

հանուր կոտորածներու ու յափշտակութիւններու դրութիւնը , ու սկսեցին գործադրել արհեստական մահացումները , ճանապարհորդութեանց ընդհատումն , յարաբերութեանց խզումն , մշակութեանց և առևտուրի դադար , երկրագործութեան նուազումն և այլն , տիրեց անմիջապէս ընդհանրական աղքատութիւն՝ որմէ առաջ եկաւ անտեսական շերտաւորումն նաև Քրդերու մէջ : Յեղապետներ , Բէգեր և Բայաներ (քիւրդ) , բաժան բաժան եղան իրենց շահերով . առաջինները սկսեցին հարստահարել վերջինը , ու Քիւրդ Բայան կրաւորական հնազանդութեամբ լուծը անտանկի գանկով ոչ թէ սկսաւ բողոքի ու դիմադրութեան , որովհետև գիտակցութիւնը չունէր ու իրերու վիճակը կը գտնէր բնական ու սովորական , սկսաւ գաղթել :

Քիւրդ գաղթականութիւնը եթէ պատմականապէս առնենք իրենց հայրենի բնաւայրէն նախ լեռն'ը , ու ապա Տիգրիսի ափերով Հայկական աշխարհները . Ռուսաստանի , Պարսկաստանի և Թիւրքիայի ամբողջ սահմաններու վրայ . ու յետոյ Կ . Պոլիս , Կիլիկիա , Ամերիկա մտաւ :

Քիւրդ գաղթականութիւնը դարձեալ կ'ապրի այդ դուրսի աշխարհները՝ բնուակրութեամբ , երկրագործութեամբ և գործարանական բանւորութեամբ :

Մինչև բռնապետական բէժիմի վերջը Թիւրքիայի մէջ , գաղթական քրդերը գործածուեցան նաև Կ . Պոլիս ու Կիլիկիա իրր սպանիչներ ու յափշտակիչներ , բայց երևոյթը տարբեր կերպարանք սոսցաւ Սահմանադրութենէն յետոյ . ընդհանուր գործադուհներու բաժնին մէջ՝ տեղ տեղ Քիւրդ գործաւորներն ալ կազմակերպուեցան իրենց անտեսական տէրերի ճնշումներու դէմ ու պահանջներ դրին , կամ դրուած պահանջներու մասնակցեցան . Ամերիկայի մէջ Քրդերը համերաշխ գործունէութեամբ կ'երթան հայերու հետ ու անոնց հետևողութեամբ , որովհետև Ամերիկեան իշխանութիւնները անկարելի կը դարձնեն Քրդական արարքները Ամերիկայի մէջ , լնչոր սովորական և բնական կը համարուի ի Թիւրքիա :

Պէտք է յիշատակել որ շատ մը Քիւրդ բէգեր ու փաշա-